

1. Ազգային վիճակագրության մակրոտնտեսական համակարգերը

Ազգային վիճակագրության մակրոտնտեսական համակարգում հիմնական դերը պատկանում է Ազգային հաշիվների համակարգին: Վիճակագրության մակրոտնտեսական համակարգերը համադրելի և փոխկապակցված մակրոտնտեսական հաշիվների ամբողջություն են՝ հիմնված միջազգայնորեն ընդունված և համաձայնեցված տեսությունների, սահմանումների, դասակարգումների և հաշվառման կանոնների վրա: Դրանք ապահովում են հաշվառման այնպիսի կանոններ, որոնք համապատասխան կտրվածքով մակրոտնտեսական վիճակագրության հավաքագրում, մշակում և ներկայացում իրականացնելու հնարավորություն են ընձեռում: Վիճակագրական չափանիշներն սահմանվում ու դասակարգումները կատարվում են այնպես, որ հասկանալի լինեն օգտագործողների, քաղաքականություն իրականացնողների և լայն հասարակության համար: Վիճակագրության հիմնական մակրոտնտեսական համակարգերը կարելի է բաժանել չորս խմբի.

- **Ազգային հաշիվներ և իրական հատվածի այլ վիճակագրություն:** Այս բնագավառում ներկայումս գործում է «Ազգային հաշիվների համակարգ» ձեռնարկը, որը 1993 թ. ՄԱԿ-ի Տնտեսական և սոցիալական խորհրդին է առաջարկվել ՄԱԿ-ի Վիճակագրական հանձնաժողովի կողմից և ընդունվել է որպես միջազգային չափորոշիչ ազգային հաշիվների վիճակագրության բնագավառում: Համակարգի մշակմանը մասնակցել են մի շարք միջազգային կազմակերպություններ, ինչպես նաև ազգային վիճակագրական ծառայությունների ներկայացուցիչներ և անկախ փորձագետներ: Համակարգը փոխկապված, հաջորդական և ամբողջական հաշիվների համախումբ է՝ հիմնված միջազգայնորեն փոխհամաձայնեցված հասկացությունների, սահմանումների, դասակարգումների, հաշվառման կանոնների վրա: Այն հնարավորություն է տալիս ամբողջական հաշվառման համակարգի օգնությամբ իրականացնել տնտեսական վիճակագրության հավաքագրում, մշակում և ներկայացում՝ տնտեսական վերլուծությունների, որոշումների կայացման և քաղաքականության իրականացման նպատակով: Համակարգի հաշիվներն ընդգրկում են ապրանքների արտադրությանը և ծառայությունների մատուցմանը, եկամուտների գոյացմանը, բաշխմանը և վերաբաշխմանը, սպառմանը, խնայողություններին և ներդրումներին վերաբերող տվյալներ, ինչպես նաև ազգային ու ճյուղային հաշվեկշիռները և ֆինանսական հոսքերը: Ըստ էության, համակարգը հնարավորություն է տալիս հաշվեկշռել ապրանքային և փողային հոսքերը տնտեսության հատվածների միջև, ինչպես նաև հետևել ազգային հարստության փոփոխություններին: Իրական հատվածի վիճակագրությունում առանձնացվում են նաև տնտեսության ճյուղերի վիճակագրությունը (ուսումնասիրում է տնտեսության ճյուղերում գործող սուբյեկտների ֆինանսատնտեսական գործունեության արդյունքները), գների վիճակագրությունը (ուսումնասիրում է սպառողական շուկայի և արտադրողների գների միտումները) և բնակչության եկամուտների, ծախսերի և զբաղվածության վիճակագրությունը (ուսումնասիրում է բնակչության եկամուտների գոյացման աղբյուրները, ծախսերի ուղղությունները և զբաղվածության վիճակը):
- **Արտաքին հատվածի վիճակագրություն:** Արտաքին հատվածի վիճակագրությունը ներառում է տնտեսության ռեզիդենտ¹ սուբյեկտների և արտաքին աշխարհի (ոչ ռեզիդենտների) փոխհարաբերություններին վերաբերող տեղեկատվություն: Գործող միջազգային չափորոշիչը ԱՄԳ-ի կողմից մշակված և 1993թ. հրատարակված «Վճարային հաշվեկշռի ձեռնարկն» է, որին ի լրումն մշակվել է նաև «Վճարային հաշվեկշռի կազմման ուղեցույցը»: «Վճարային հաշվեկշռի ձեռնարկը» արտաքին տնտեսական գործունեությանը վերաբերող հաշիվների շրջանակներում տվյալների հավաքագրման, մշակման և ներկայացման համար նախատեսված, միջազգայնորեն փոխհամաձայնեցված մեթոդաբանական սկզբունքների ամբողջություն է: Այդ տեղեկատվությունը մի կողմից հնարավորություն է ընձեռում իրականացնել արտաքին տնտեսական հոսքերի քանակական գնահատում, որն ամփոփվում է երկրի վճարային հաշվեկշռում, մյուս կողմից՝ գնահատել երկրի արտաքին ֆինանսական ակտիվներն ու պարտավորությունները, որն էլ իրենից ներկայացնում է ներդրումային դիրքը: Հստակ ներկայացվում է նաև արտաքին ֆինանսական ակտիվների և պարտավորությունների ու որոշակի ժամանակահատվածում դրանց ծավալներում տեղի ունեցած փոփոխությունների միջև կապը: Ընդ որում, նման փոփոխություններն արտացոլում են արտաքին տնտեսական գործառնությունները, ինչպես նաև ակտիվների և պարտավորությունների հետ կապված վերագնահատումները և այլ տիպի ճշգրտումները:

¹ «Ռեզիդենտություն» հասկացությունը ավելի մանրամասն ներկայացված է հաջորդ բաժնում:

- **Պետական ֆինանսների վիճակագրություն:** Պետական ֆինանսների վիճակագրությունը ընդգրկում է պետական կառավարման հատվածի գործառնությունների, ինչպես նաև ակտիվների և պարտավորությունների վերաբերյալ տեղեկատվություն: Այդ տեղեկատվությունն օգտագործվում է հարկաբյուջետային քաղաքականություն իրականացնողների, ինչպես նաև վերլուծողների կողմից և հնարավորություն է տալիս գնահատել հարկաբյուջետային քաղաքականության ազդեցությունը տնտեսության վրա: Մասնավորապես, գնահատել և վերլուծել պետական հատվածի տեսակարար կշիռը տնտեսությունում, դրա մասնակցությունը համախառն պահանջարկի, ներդրումների և խնայողությունների ձևավորմանը, ազդեցությունը ռեսուրսների օգտագործման և մոնետար պայմանների վրա, հարկային բեռը, ինչպես նաև մասնակցությունը եկամուտների վերաբաշխման գործընթացին: Պետական ֆինանսների վիճակագրության բնագավառում ներկայումս գործում է ԱՄՅ-ի կողմից մշակված և 2001թ. հրատարակված «Պետական ֆինանսների վիճակագրություն» ձեռնարկը: Այս ձեռնարկում սահմանված են հարկաբյուջետային վիճակագրության հավաքագրման, մշակման և ներկայացման համար օգտագործվող տնտեսական և հաշվառման սկզբունքները:
- **Դրամավարկային և ֆինանսական վիճակագրություն:** Ընդգրկում է տնտեսության ֆինանսական հատվածի վերաբերյալ վիճակագրությունը: Ինչպես արդեն նշվել է, այս բնագավառում ներկայումս օգտագործվում է ԱՄՅ մասնագետների մշակած «Դրամավարկային և ֆինանսական վիճակագրություն» ձեռնարկը:

Չարկ է նշել, որ վիճակագրության բոլոր միջազգային չափանիշները հնարավորինս փոխհամաձայնեցված են, այսինքն՝ վիճակագրության մակրոտնտեսական՝ վերը նշված համակարգերում հիմնականում օգտագործվում են միևնույն սահմանումները, դասակարգման միևնույն չափանիշները, հաշվառման նույն սկզբունքները և այլն:

Վիճակագրության մակրոտնտեսական համակարգերի նման դասակարգումը հիմնված է տնտեսության հատվածավորման սկզբունքի վրա: Այս առումով անհրաժեշտ է ներկայացնել տնտեսության առանձին հատվածների համառոտ նկարագիրը: Դրամավարկային և ֆինանսական վիճակագրության մեջ, ֆինանսական գործիքները դասակարգելիս, պետք է հիմնվել տնտեսության հատվածավորման սկզբունքների վրա:

Տարբեր երկրների վիճակագրական համակարգերի միասնականացման կարևոր քայլ է ԱՄՅ վիճակագրական համակարգերի՝ Տվյալների տարածման հատուկ չափորոշիչի (SSՅԶ, անգլերեն՝ SDDS) և Տվյալների տարածման ընդհանուր համակարգի (SSԸԳ, անգլերեն՝ GDDS) ստեղծումը: Նշված համակարգերից առաջինը հնարավոր է դարձնում մասնակից երկրների վիճակագրության միասնական չափանիշների հիման վրա կազմումը: ՏՏՅԶ պահանջները բավականին խիստ են և պարտադիր բոլոր անդամների համար: Այն երկրները, որոնք չեն կարող միանգամից բավարարել ՏՏՅԶ պահանջները, իրենց վիճակագրական համակարգերի զարգացման նպատակով կարող են անդամակցել ՏՏԸԳ-ին: Չայաստանի Չանրապետությունը 2001թ. մարտից պաշտոնապես հանդիսանում էր ՏՏԸԳ մասնակից, իսկ 2003թ. նոյեմբերին դարձավ ՏՏՅԶ-ի անդամ՝ այդպիսով հանդիսանալով ԱՊՅ երկրներից երկրորդը, որն անցում կատարեց ՏՏԸԳ-ից ՏՏՅԶ-ին:

ՏՏԸԳ-ն հիմնադրվել է 1997թ. դեկտեմբերին, և այսօր Չամակարգին անդամակցում են 86 անդամ երկրներ: Չայաստանի Չանրապետությունը ԱՊՅ երկրներից երրորդն էր, որ անդամագրվել էր այս Չամակարգին: ՏՏԸԳ-ի հիմնական նպատակը ազգային վիճակագրական համակարգերի զարգացման գործում անդամ երկրներին օժանդակելն է: Չամակարգի շրջանակներում տվյալների որակի և դրանց տարածման խնդիրները կենտրոնանում են տնտեսության հինգ՝ իրական, ֆինանսական, հարկաբյուջետային, արտաքին և սոցիալ-ժողովրդագրական հատվածների վրա:

ՏՏՅԶ-ն հիմնադրվել է 1996 թ. մարտին, որին ներկայումս անդամակցում են 64 երկրներ: Չայաստանի Չանրապետությունը ԱՊՅ երկրներից երրորդն է, որ անդամագրվում է ՏՏՅԶ-ին: ՏՏՅԶ-ի հիմնական նպատակը համաշխարհային կապիտալի շուկաներին մասնակցություն ունեցող կամ մասնակցություն փնտրող անդամ երկրներին ուղղորդելն է (աշակցելը) իրենց տնտեսական և ֆինանսական տեղեկատվության տարածումը կազմակերպելու գործում:

ՉՅ կենտրոնական բանկը, Չայաստանի՝ ՏՏՅԶ-ին անդամակցության շրջանակներում, պատասխանատու է տնտեսության ֆինանսական հատվածի վիճակագրության համար:

Օգտագործված գրականություն

1. Monetary and Financial Statistics Manual, IMF, Washington D. C., 2000.
2. System of National Accounts, Eurostat, IMF, OECD, UN, WB, Washington D. C., 1993.

3. Guide to the General Data Dissemination System, IMF Statistics Department, Washington D. C., 2001.
4. Guide to the Data Dissemination Standards, IMF, Washington D. C., 1996